



Lindås kommune
Kvernhusmyrane 20
5914 ISDALSTØ

Tilsyn med samfunnstryggleiks- og beredskapsarbeidet i Lindås kommune tysdag 5. september og synfaring 6. september, samt invitasjon til førebuande telefonmøte onsdag 28. juni frå kl. 12.00 til 13.00.

Vi syner til vårt brev datert 01.12.2016 med varsel om tilsyn med samfunnstryggleiks- og beredskapsarbeidet i kommunen. Vidare syner vi til korrespondanse på e-post med beredskapskontakt knytt til fastsetjing av dato for tilsynet. Følgjande datoar er planlagd:

Tilsynsdag	Synfaring Mongstad	Dokumentasjon i hende hjå FMHO*	Førebuande telefonmøte	Sluttmøte
05.09.2017	06.09.2017	14.06.2017	28.06.2017	24.10.2017

*Endra frå 24. mai, jf. det vi har avtalt på e-post.

Om tilsynet

Tilsynet er ein kontroll av kommunens oppfølging av lov- og forskriftskrav knytt til samfunns-tryggleik og beredskap. Det er med andre ord ikkje ei evaluering av korleis tidlegare hendingar har vorte handtert, ei heller ei vurdering av korleis ein trur framtidige hendingar vil verte handtert.

Hovudtema for tilsynet vil vere kommunen si oppfølging av pliktene i §§ 14 og 15 i lov om kommunal beredskapsplikt, sivile beskyttelsestiltak og Sivilforsvaret (sivilbeskyttelseslova), nærare utdjupa i forskrift om kommunal beredskapsplikt. Vidare vil vi ha særleg merksemd på korleis kommunen i denne samanheng handterer kritisk infrastruktur/samfunnsskrittiske funksjonar og sårbare objekt/risikoobjekt som til dømes:

- Storulykkebedrifter¹ og tilsvarande verksemdar
- Kraftforsyning
- Ekom/IKT-sektor
- Vatn og vassforsyning
- Kommunal kriseleiing, medrekna systematisk kompetansebygging, øvingar osb.

Kommunen må kunne dokumentere heilskapleg og systematisk arbeid med samfunnstryggleik og beredskap. Det tyder m.a. at det må vere ein «raud tråd» frå overordna nivå med visjonar og hovudmålsetjingar via prioriteringar til underordna nivå med konkrete delmål og ressurstildeling. Tilsvarande samanheng bør òg finnast att i kommunal planstrategi via kommuneplanen (samfunnsdel og arealdel) til detaljplannivå.

¹ Jf. «Forskrift om tiltak for å forebygge og begrense konsekvensene av storulykker i virksomheter der farlige kjemikalier forekommer (storulykkeforskriften)»

Førespurnad om dokumentasjon

Som ledd i førebuingane til tilsynet, ber vi om at følgjande underlagsdokumentasjon er oss i hende seinast 14.06.2017.

1. Relevante utdrag av:
 - Kommunal planstrategi
 - Kommuneplanens samfunnsdel
 - Kommuneplanens arealdel
 - Økonomiplan
 - Årsbudsjett
 - Årsrekneskap
 - Årsmelding
2. Eventuelle andre dokument som er styrande for samfunnstryggleiks- og beredskapsarbeidet (presiser då gjerne kva status dokumentet har)
3. Heilskapleg ROS-analyse, medrekna
 - Oppfølgingsplan, medrekna
 - Prioriterte tiltak
 - Framdriftsplan
4. ROS-analysar knytt til område som er gjenstand for særleg merksemd i tilsynet
5. Overordna beredskapsplan
6. Beredskapsplanar knytt til område som er gjenstand for særleg merksemd i tilsynet
7. Dokumentasjon på systematisk kompetansekartlegging/opplæring for å sikre at personell med ei rolle i kommunen si krisehandtering har tilstrekkelege kvalifikasjonar
8. Evalueringar etter uønskte hendingar og øvingar
9. Eventuell annan relevant dokumentasjon (jf. t.d. forskrift om kommunal beredskapsplikt)

Vi legg òg ved eit statuskartleggingsskjema i Excel som vi ber kommunen fylle ut og returnere saman med etterspurt dokumentasjon. Dokumentasjon sendast samla til fmhopostmottak@fylkesmannen.no.

Dei underlaga vi samlar inn frå kommunane gjennom tilsyn vil til orientering seinare m.a. òg kunne verte nytta som grunnlag for utarbeiding av framtidige risikobilete for Hordaland (FylkesROS).

Førebuande telefonmøte

Vi ønskjer òg å invitere kommunen (v/beredskapskontakt og ev. andre) til eit førebuaende telefonmøte onsdag 28. juni 2017 frå kl. 12.00 til 13.00. I det førebuaende møtet vil vi kvalitetssikre at vi har motteke all relevant informasjon frå kommunen, samt avklare sjølvje opplegget for tilsynsdagen.

Eventuelle spørsmål

Eventuelle spørsmål knytt til tilsynet kan rettast til Alfa S. Winge på tlf.: 55 57 21 15 / e-post fmhoams@fylkesmannen.no.

Med helsing

Arve Meidell
fylkesberedskapssjef

Alfa Sefland Winge
seniorrådgjevar

Brevet er godkjent elektronisk og har derfor inga underskrift.